



Umjetnost i nauka koučinga

The Art and Science of Coaching

"Umjetnost i nauka koučinga" je šesnaestodnevni koučing program Eriksonovog Koledža, akreditovan od strane najveće svjetske koučing asocijacije ICF-a. Program je namijenjen profesionalnim koučevima, liderima, menadžerima i profesionalcima koji žele da portfoliju svojih vještina priključe i najefikasnije koučing tehnike.

Strukturirani pristup koučingu i fokusiranost na rješenje su sjajni alati koji će vam omogućiti da svaki razgovor dovedete do jasnog cilja i mjerljivog rezultata. Iskusni koučevi i mentori, od kojih su neki imali i više godina iskustva u ovoj oblasti, slažu se da su posle samo prvog modula, u velikoj mjeri povećali efikasnost svog rada i da su trajanje razgovora potrebnog za dolazak do cilja najmanje prepolovili.

Zlatni standard ICF-a (International Coach Federation) je oznaka koja garantuje da određeni koučing trening zadovoljava najviše međunarodne koučing standarde. To znači da zadovoljava apsolutno i bez najmanjeg odstupanja 2 grupe standarda:

- ICF etički kodeks i profesionalne standarde;
- Koučing kompetence definisane od strane ICF-a.

Sertifikat Eriksonovog Sertifikovanog Profesionalnog Kouča nosi zlatni pečat ICF-a.

Program treninga

Trening je podijeljen u 4 četvorodnevna modula i svaki od modula je usmjeren na jednu fazu razvoja koučing projekta.

Modul I – Inspiracija

Da li ste nekada željeli da pomognete sagovorniku da bude motivisaniji u vezi sa radom na nekom projektu? Cilj ovog modula je da učesnicima da neophodnu teoriju i praksu kako bi bili u mogućnosti da sprovedu kompletnu koučing sesiju i inspirišu ljude na akciju neophodnu za uspjeh. Prvi modul obrađuje osnovnu strukturu koučing sesije kao i principe koučinga usmjerenog na rješenje. Ovaj modul se može završiti kao samostalni trening.

Modul II – Implementacija

Fokus drugog modula je na implementaciji i razvoju koučing vještina. Ovaj modul nam daje novi pristup strategijama, planiranju, izvršavanju i organizaciji vremena. Na ovom modulu ćete naučiti različite načine na koje možete da asistirate klijentu da nađe svoje odgovore na pitanje "Kako mogu da postignem željeni cilj?"

Modul III – Uspostavljanje vrijednosti

Koliko puta ste bili svjedok da u nekom timu i pored potpuno provjerenog plana akcije i ekspertskih znanja, projekat počne da stagnira i na kraju rezultat bude manji od najboljeg? Ovaj modul vam daje mogućnost da naučite metode za podizanje svijesti klijenta o suštinskim vrijednostima. Naučićete kako da asistirate klijentu da poveže te vrijednosti sa ciljevima na kojima radi.



Modul IV – Završetak & Zadovoljstvo

Četvrti modul je finalni segment ovog jedinstvenog i uzbudljivog putovanja i usmjeren je na kreiranje sopstvenih strategija uspjeha, kreiranje plana za razvoj sopstvenog koučing biznisa ili implementaciju koučinga unutar kompanija. Kroz integraciju stečenog znanja učesnici dolaze u kontakt sa izuzetnim i najdubljim znanjima u vezi sa koučingom čijem prikupljanju i formulisanju je dr Marilyn Atkinson posvetila posljednjih 30 godina svog istraživačkog i praktičnog rada.

U čemu leži suština efikasnosti Eriksonovog koučing treninga?

- Metod koristi originalnu i provjerenu metodologiju rada
- Uključuje osnovno razumijevanje rada našeg neurološkog sistema. Implementirana su najnovija naučna saznanja vezana za procese povećavanja motivacije i posvećenosti ličnoj viziji
- Aktivno uključuje učesnike i podržava ih da kreiraju što više ličnog iskustva tokom treninga
- Platforma rada uključuje vježbe i usavršavanje koučing vještina i van samog treninga
- Fokus je na vještinama koučing dijaloga u toj mjeri da će vam njihova primjena i u svakodnevnim poslovnim i privatnim situacijama donijeti mjerljive rezultate

